


**TEZAUUR LITURGIC**  
**15 NOIEMBRIE**

**ACATISTUL**  
**SF.MUCENICI**  
**GURIE,SAMONA**  
**ȘI AVIV**  
**DE LA**  
**EDESA SIRIEI**



**MOSCOVA,2021**



# **Акафист**

## **СВЯТЫМ МУЧЕНИКОМ**

### **Гурию, Самону и Авиву**

#### **Кондак 1**

Избра́ннии чудотво́рцы Христо́вы и святы́я ве́ры испове́дницы, Гу́рие, Само́не и Авиве добронра́внии, па́мять ва́шу чту́ще пе́сньми похва́льными, воспева́ем я́ко христиа́н засту́пников и стра́ждущих покрови́телей. Вы же, иму́ще дерзнове́ние ко Го́споду, от вся́ких бед и напа́стей свободи́те нас, ве́рою и любо́вию зову́щих: Ра́дуйтесь, Гу́рие, Само́не и Авиве, страсото́рпцы Христо́вы и оби́димых покрови́телие.

#### **Икос 1**

А́нгели во плóти, Тро́ице Святе́й равноч́исленнии, любо́вию к Бо́гу горя́ще, и́долы попрáсте, ве́ру Христо́ву укрепи́сте, Тро́ицу Святу́ю просла́viste, те́мже похваля́юще по́двиги ва́ша, глаго́лем вам си́це:

Ра́дуйтесь, Зако́на Госпо́дня тепле́йшии храните́лие;

ра́дуйтесь, Ева́нгельскаго уче́ния до́брии послу́шателие.

Ра́дуйтесь, свети́льницы благоче́стия;

ра́дуйтеся, обли́чителие нече́стия.  
Ра́дуйтеся, утвер́ждение ве́ры Христо́вой;  
ра́дуйтеся, столпи́ Це́ркве Бо́жия.  
Ра́дуйтеся, ве́рных наде́ждо и заступле́ние;  
ра́дуйтеся, неве́рных устраше́ние и  
посрамле́ние.

Ра́дуйтеся, Гу́рие, Само́не и Ави́ве,  
страстоте́рпцы Христо́вы и оби́димых  
покрови́телие.

## Кондак 2

Ви́дяще нече́стие люде́й гра́да Эде́са, свя́тии  
Гу́рий и Само́н в пусты́ню удали́шася, бе́гая  
мира сего́ и собла́знов его́, и усер́дно служа́ще  
Бо́гу, день и ночь воспева́ху: Аллилу́иа.

## Икос 2

Ра́зум прему́др име́юще, свя́тии му́ченицы,  
вы́ну труди́шася во сла́ву Бо́жию, язы́ческое  
нече́стие обли́чающе, и́щущия и́стины на путь  
пра́вый наста́вляюще, и мно́ги неве́рныя к Бо́гу  
И́стинному привлеко́ша, сего́ ра́ди глаго́лем вам  
си́це:

Ра́дуйтеся, насади́телие и́стиннаго  
Богопочита́ния;

ра́дуйтеся, искорени́телие де́монскаго  
служе́ния.

Ра́дуйтеся, тьмы нече́стия обли́чителие;  
ра́дуйтеся, идо́льския преле́сти низложи́телие.

Ра́дуйтеся, испове́дницы Христо́вы изря́днии;  
ра́дуйтеся, свети́ла ве́ры правосла́вныя.  
Ра́дуйтеся, крѣ́пи благоуха́ннии ра́я  
превы́шняго;  
ра́дуйтеся, цвѣ́ти прекра́снии вертогра́да  
Иису́сова.  
Ра́дуйтеся, Гу́рие, Само́не и Ави́ве,  
страстоте́рпцы Христо́вы и оби́димых  
покрови́телие.

### Кондак 3

Си́лою свѣ́ше осенѣ́ннии святѣ́и муче́ницы,  
гоните́лей святы́я ве́ры не устраши́шася,  
веле́ния нечестива́го Антони́ана небрего́ша и  
ве́ру Христо́ву велегла́сно просла́виша, те́мже и  
в темни́цу вве́ржени пояху Бо́гу: Аллилу́иа.

### Икос 3

Иму́ще ве́ру во Христа́ адама́нта тверде́йшую  
и си́лою тоя́ воору́жившеся, му́жественно  
претерпе́ли естѣ́, святѣ́и муче́ницы, темни́чныя  
у́зы и са́мую смерть. Сего́ ра́ди похваля́юще  
тако́вое му́жество, ублажа́ем вас си́це:

Ра́дуйтеся, и́стинныя ве́ры испове́дницы;  
ра́дуйтеся, Ца́рствія Бо́жия насле́дницы.  
Ра́дуйтеся, Христа́ вседу́шне возлюбѣ́вши;  
ра́дуйтеся, за И́мя Его́ в темни́цу мра́чную  
вве́рженнии.  
Ра́дуйтеся, мучени́ков похва́ло;

ра́дуйтеся, страстоте́рпцев сла́во.  
Ра́дуйтеся, Святы́я Цер́кве утвер́ждение;  
ра́дуйтеся, всего́ ро́да христиа́нского  
украше́ние.

Ра́дуйтеся, Гу́рие, Само́не и Ави́ве,  
страстоте́рпцы Христо́вы и оби́димых  
покрови́телие.

#### **Кондак 4**

Бу́рею помышле́ний нече́стия одержи́мый,  
нечести́вый царь Лики́ний воздви́же жесто́кое  
гонене́е на христиа́ны, ты же, страстоте́рпче  
Ави́ве, того́ не убо́явся, с тве́рдою ве́рою вызы́вал  
еси́ Христу́ Бо́гу: Аллилу́иа.

#### **Икос 4**

Слы́шав царь Лики́ний твоя́ по́двиги,  
досточу́дне Ави́ве, и твое́ тве́рдое ве́ры  
испове́дание, разъя́рился на тя зло́бою и повеле́  
предати́ тя сме́рти лю́тей я́ко проти́вника  
царе́ва. Ты же, уве́дев о сем, во́лею поте́кл еси́  
на муче́ние, и с ра́достью претерпе́л еси́  
о́гненное сожже́ние. Сего́ ра́ди, дивя́щися  
вели́кому му́жеству твоему́, велича́ем тя си́це:

Ра́дуйся, побо́рнике ве́ры во Христа́  
неустраши́мый;

ра́дуйся, во́ине Христо́в непобеди́мый.

Ра́дуйся, пове́шенный на дре́ве за  
Распросте́ршаго ру́це Свои́ на Дре́ве Кре́стнем;

ра́дуйся, строга́нный коготьми́ желе́зными.  
Ра́дуйся, ра́нами, я́ко у́тварьми  
многоце́нными, украше́нный;  
ра́дуйся, кро́вию твоёю, я́ко багряни́цею,  
облече́нный.

Ра́дуйся, утеше́ние подава́я скорбя́щим;  
ра́дуйся, ско́рый помо́щниче всем за и́стину  
терпя́щим.

Ра́дуйтесь, Гу́рие, Само́не и Ави́ве,  
страстоте́рпцы Христо́вы и оби́димых  
покрови́телие.

### **Кондак 5**

Боготе́чней зве́зде на тве́рди небе́сней  
подо́бни бы́ли естё, святи́и му́ченицы, луча́ми  
жити́я ва́шего тьму язы́ческаго нече́стия  
просвеща́ющие и мно́гих на путь и́стины  
наставля́ющие. Те́мже благогове́йно чту́ще  
па́мь ва́шу, благода́рно поём Бо́гу: Аллилу́иа.

### **Икос 5**

Ви́деша лю́дие гра́да Эде́са мно́гая чуде́са,  
быва́емая от ра́ки святи́х му́чеников Гу́рия,  
Само́на и Ави́ва, зело́ ра́довахуся и Го́спода всем  
се́рдцем прославля́ху. Мы же, чту́ще святу́ю  
па́мь ва́шу, святи́и му́ченицы, уми́льно  
взыва́ем:

Ра́дуйтесь, непра́ведно гони́мых засту́пницы;  
ра́дуйтесь, ве́рных рабо́в Христо́вых дру́зи.

Ра́дуйтеся, су́щих во у́зах и темни́цах  
храните́лие;

ра́дуйтеся, гони́телей и оби́дящих  
вразуми́телие.

Ра́дуйтеся, пла́чущих утёши́телие;  
ра́дуйтеся, от на́глыя и лю́тыя сме́рти  
изба́вителие.

Ра́дуйтеся, благода́тию чудотворе́ния от  
Го́спода обогаще́нии;

ра́дуйтеся, исцеле́ний всеблaзи́и пода́телие.

Ра́дуйтеся, Гу́рие, Само́не и Ави́ве,  
страстоте́рпцы Христо́вы и оби́димых  
покрови́телие.

### **Кондак 6**

С высоты́ му́дрии благода́ть прие́мше, за  
су́щих во искуше́нии предстои́те, всехва́льнии,  
те́мже отрокови́цу, святи́и, от сме́рти го́рькия  
изба́висте. Вы бо вои́стину естé граду́ Эде́су  
сла́ва и ми́ру ра́дость, сего́ ра́ди воспева́ем ко  
Го́споду: Аллилу́иа.

### **Икос 6**

Вра́жия рабо́ты изба́ви ны, мо́лим Тя, Иису́се  
Жизнода́вче, Твои́х страда́лец мо́льба́ми, да не  
порабоще́нии от страсте́й ду́шу и те́ло  
стяжа́вше, восхваля́ем тех скорей́шую по́мощь.  
Ти́и бо жену́, во гробе́ му́жем затворе́нную,



скóро предвaривше от смёрти избáвиша. Сего  
ради взывaем им сице:

Рáдуйтeся, невинную жену́ от лю́тыя смёрти  
спáсшии;

ра́дуйтeся, звёрства мучи́теля дивным  
спасе́нием ея́ победившии.

Рáдуйтeся, преступлénия супру́жеския  
вёрности грóзнии наказáтелие;

ра́дуйтeся, жен оста́вленных и зле обмáнутых  
защитни́цы.

Рáдуйтeся, злáго мýжа жесто́кое дея́ние  
обличившии;

ра́дуйтeся, и тогó вéровати в си́лу Бо́га  
христиа́нского научившии.

Рáдуйтeся, пода́телие ми́лости тоя́ трéбующим;  
ра́дуйтeся, стра́жи неусы́пнии па́мять ва́шу  
почита́ющих.

Рáдуйтeся, Гу́рие, Самóне и Авиве,  
страстотéрпцы Христо́вы и оби́димых

покрови́телие.

### **Кондак 7**

Хотя́й Человеколюбец Госпо́дь яви́ти ми́лость  
людем Свои́м, сохрани́ телеса́ ва́ша нетлénна и  
чудоточа́ща, от нихже вси вёрнии то́ки  
исцелéний получа́ют, зову́ще Бо́гу: Аллилу́иа.

## Икос 7

Но́вых засту́пников и дивных чудотво́рцев вас ве́дуще, лю́дие из гра́да Эде́са святы́й храм в па́мять ва́шу созда́ша, в нем же и мо́щи ва́ша положи́ша, да вси стра́ждущи по́мощь от них, я́ко от оби́льна исто́чника, почерпа́ют. Та́кожде и мы, тве́рду наде́жду на вас иму́ще, взыва́ем вам си́це:

Ра́дуйтесь, душе́вных и теле́сных неду́гов на́ших целите́лие;

ра́дуйтесь, бесо́в о и́мени Госпо́дни изгоните́лие.

Ра́дуйтесь, Ева́нгельския и́стины благовестите́лие;

ра́дуйтесь, Божество́вныя благода́ти носите́лие.

Ра́дуйтесь, ско́рби мно́ги за и́мя Госпо́дне прие́мшии;

ра́дуйтесь, дивно́ во святы́х Его́ просия́вшии.

Ра́дуйтесь, гра́да ва́шего Эде́са похвало́ и утвержде́ние;

ра́дуйтесь, и всея́ вселе́нныя сла́во и похвале́ние.

Ра́дуйтесь, Гу́рие, Само́не и Ави́ве, страстоте́рпцы Христо́вы и оби́димых покровите́лие.

## Кондак 8

Стра́нно и стра́шно неве́рным слы́шати,  
како́ва дивна́я дела́ от святы́х мо́щей ва́ших  
соверша́ются: неду́зи врачу́ются и стра́сти  
исцеля́ются. Мы же, твёрду наде́жду на вас  
иму́ще, Бо́гу, о вас тако́ благоде́ющему, с ве́рою  
взыва́ем: Аллилу́иа.

## Икос 8

Все́ми добродете́льми испо́лнении, за ни́хже  
и сла́вою Бо́жиею почте́нии, внима́йте, святы́и  
му́ченицы, моли́твам ве́рных, чту́щих святу́ю  
па́мять ва́шу, от ни́хже слы́шите сицева́я:

Ра́дуйтесь, ни́щии ду́хом, я́ко ва́ше есть  
Ца́рствие Небе́сное;

ра́дуйтесь, пла́кавшии, я́ко утёши́стесь.

Ра́дуйтесь, крото́ции, я́ко насле́довасте зе́млю;

ра́дуйтесь, алка́вшии и жа́ждавшии пра́вды,  
я́ко насы́титесь.

Ра́дуйтесь, ми́лостивии, я́ко стяжа́ли есте́  
поми́лование;

ра́дуйтесь, чи́стии се́рдцем, я́ко Бо́га узре́сте.

Ра́дуйтесь, я́ко пред ли́цем челове́ческим му́ку  
прия́ли есте́;

ра́дуйтесь, я́ко упова́ние ва́ше безсме́ртia  
испо́лнено есть.

Ра́дуйтесь, Гу́рие, Само́не и Ави́ве,  
страстоте́рпцы Христо́вы и оби́димых  
покрови́телие.

## Кондак 9

Всякія напáсти, находя́щия на град Э́дес, разоря́ли естé, святіи мученицы, тёмже и ны́не не оста́вите нас смире́нных и грёшных, но вся лю́ди страны́ на́шей в правосла́вии и единомы́слии утверди́те, да вси еди́ными усты́ и еди́ным се́рдцем воскликнем просла́вльшему вас Го́споду: Аллилу́иа.

## Икос 9

Ветія многовещáнные, я́ко ры́бы безгласны́я, зрим о вас, святіи мученицы: недоуме́ют бо, ка́ко в пусты́ни ду́хом вита́ли естé и посреде́ челове́к неусы́пными по́двиги подвижа́стеся. Мы же ра́дующеся, я́ко таковы́ и́мамы учи́тели и молитвенники, прославляем вас, глаго́люще:

Ра́дуйтеся, кимва́ли Сло́ва Бо́жия;  
ра́дуйтеся, тёплии о нас пред Бо́гом ходáтаи.  
Ра́дуйтеся, иудеев и ёллинов просвети́телие;  
ра́дуйтеся, Триеди́наго Бо́жества́ благовестите́лие.

Ра́дуйтеся, крóтости и воздержáния учи́телие;  
ра́дуйтеся, лжи и татьбы́ обли́чителие.  
Ра́дуйтеся, Ца́рствия Христо́ва насле́дницы;  
ра́дуйтеся, вёчны́я блаже́нныя жи́зни соприча́стницы.

Ра́дуйтеся, Гу́рие, Само́не и Ави́ве,  
страстоте́рпцы Христо́вы и оби́димых покрови́телие.

## Кондак 10

Спасти́ хотя́ лю́ди гра́да Эдеса́ от мы́сленнаго во́лка, увеща́вали есте́ тех твёрдо сто́яти во и́стинней ве́ре ниже́ ко́зней вра́жиих устраша́тися, но и в ско́рбех и напа́стех за вся благодарити́ Бо́га, пою́ще Ему́: Аллилу́иа.

## Икос 10

Стена́ тверда́ и надё́жное прибе́жище есте́, святии́ му́ченицы, всем к вам прибега́ющим и ско́рыя по́мощи тре́бующим, сего́ ра́ди во уми́лении се́рдца на́шего взыва́ем:

Ра́дуйтесь, я́ко зарею́ Пресвята́го Ду́ха просвеще́ни бы́сте;

ра́дуйтесь, я́ко страх малоду́шный от себе́ оттрясли́ есте́.

Ра́дуйтесь, всех скорбя́щих ра́дование;  
ра́дуйтесь, всех угнетённых и порабо́щённых прибе́жище и освобо́ждение.

Ра́дуйтесь, вдов и сирот заступле́ние;  
ра́дуйтесь, от ересей и раско́лов огра́ждение.

Ра́дуйтесь, я́ко вси нечестивии жити́ю ва́шему уди́вляються;

ра́дуйтесь, я́ко вси благочестивии о́ имени ва́шем веселя́тся.

Ра́дуйтесь, Гу́рие, Само́не и Ави́ве, страстоте́рпцы Христо́вы и оби́димых покрови́телие.

## Кондак 11

Пѣ́ние благода́рственное принося́ще ко Го́споду о вас, те́плии засту́пницы на́ши, при́сно мо́лим вас не отсту́пати от нас, грех на́ших ра́ди, но милосе́рдие от Го́спода нам испроси́ти, вопи́ющим Ему́: Аллилу́иа.

## Икос 11

Светоза́рную тро́ицу святы́х му́чеников восхваля́юще, ве́рнии, устрани́мся распрей и раздо́ров в жи́зни сей, убежи́м несогласи́й и разделе́ний и храня́ще еди́нѣние ду́ха в сою́зе ми́ра, из глубины́ души́ воскликнем та́ко:

Ра́дуйтесь, громогласны́я трубы́ Ева́нгельскаго благове́стия;

ра́дуйтесь, сладкозвучны́я гу́сли про́поведи спасе́ния.

Ра́дуйтесь, кре́пции пра́вды рачи́телие;

ра́дуйтесь, непоколебимии непра́вды истреби́телие.

Ра́дуйтесь, благочестивым семе́йством ми́ра и бла́га пода́телие;

ра́дуйтесь, целомудренно живу́щим в бра́це незрими́и охрани́телие.

Ра́дуйтесь, же́стоким и неве́рным супру́гом стро́гии наказа́телие;

ра́дуйтесь, под кров свой всех беззащитных милостивне прие́млющии.

Ра́дуйте́ся, Гу́рие, Само́не и Ави́ве,  
страсто́тёрпцы Христо́вы и оби́димых  
покро́вителие.

### Кондак 12

Благода́ть, да́нную вам от Бо́га, ве́дуще,  
па́мять ва́шу пра́зднуем, святы́и му́ченицы, с  
успе́рдным моле́нием к ва́шему честно́му о́бразу  
притека́юще, ва́шею тве́рдою по́мощию, я́ко  
необори́мою стено́ю, огражда́емся, сего́ ра́ди  
восхваля́ем вас, страсто́тёрпцы Христо́вы, и  
успе́рдно зове́м Бо́гу: Аллилу́иа.

### Икос 12

Пою́ще ва́ше дивное жити́е и му́ченическую  
кончи́ну, мо́лим вас, страсто́тёрпцы Христо́вы  
Гу́рие, Само́не и Ави́ве, бу́дите нам во всем  
блази́и по́мощницы, благослови́те нас ми́ром и  
любо́вию, пода́йте нам тве́рдую ве́ру, чистоту́  
жи́зни и страх Бо́жий, да вси душе́вный поко́й  
иму́ще, в радости восклицáем:

Ра́дуйте́ся, поко́й и отра́да скорбя́щим;

ра́дуйте́ся, страх и уди́вление оби́дящим.

Ра́дуйте́ся, невинну́ю жену́ от лю́тыя сме́рти  
спа́сшии;

ра́дуйте́ся, зла́го му́жа ея́ досто́йно  
покара́вшии.

Ра́дуйте́ся, за прелюбе́знаго вам Иису́са ду́ши  
сво́я положи́вшии;

ра́дуйтеся, за пресла́дкое и́мя Его́ под меч  
о́стрый главы́ своя́ подклони́вшии.

Ра́дуйтеся, многообра́зныя боле́зни за Царя́  
Христа́ претерпе́вшии;

ра́дуйтеся, Иерусали́ма го́рняго гра́ждане.

Ра́дуйтеся, Гу́рие, Само́не и Ави́ве,  
страстоте́рпцы Христо́вы и оби́димых  
покрови́телие.

### **Кондак 13**

О, святи́и страстоте́рпцы Христо́вы Гу́рие,  
Само́не и Ави́ве, приими́те си́е на́ше хвале́бное  
пе́ние и, услы́шавше усер́дное желе́ние на́ше,  
изба́вите нас те́плым ва́шим к Бо́гу  
предста́тельством от вся́каго зла, от вражды́ и  
несогла́сий и вся́ких лю́тых бед и боле́зней, да с  
любо́вию вас чту́ще, вы́ну зове́м Бо́гу: Аллилу́иа.

### **Молитва**

О, святи́и му́ченицы и испове́дницы Христо́вы  
Гу́рие, Само́не и Ави́ве, те́плии о нас ходата́и и  
моли́твенницы пред Бо́гом! Во умиле́нии серде́ц  
на́ших, взира́юще на пречи́стый ва́ш о́браз,  
смирённо мо́лим вас: услы́шите нас, грёшных и  
недостойных, су́щих в беда́х, ско́рбех и  
напа́stech, и презре́вше на́ша тяжкая́ и  
безчи́сленная прегре́шения, яви́те нам свою́  
вели́кую ми́лость, воздвигните нас из глубины́



грехо́вныя, просвети́те наш ум, смягчи́те зло́е и  
ока́янное се́рдце, прекрати́те за́висть, вражду́ и  
раздо́ры, в нас живу́щия. Осени́те нас ми́ром,  
любо́вию и страхом Бо́жиим, умоли́те  
милосе́рднаго Го́спода, да покрýет мно́жество  
грехо́в на́ших Свои́м неизрече́нным  
милосе́рдием, да соблюде́т Це́рковь Свою́  
Святу́ю от неве́рия, ересе́й и раско́лов, да пода́ст  
стране́ на́шей мир, благоде́нствие, земли́  
плодороди́е, супру́гом любо́вь и согла́сие, ча́дом  
послуша́ние, оби́димым терпе́ние, оби́дящим  
страх Бо́жий, скорбя́щим благоду́шие,  
раду́ющимся воздержа́ние. Всех же нас да  
покрýет Свое́ю всеси́льною десни́цею, и да  
изба́вит от гла́да, губи́тельства, тру́са, пото́па,  
огня́, меча́, нашествия́ иноплеме́нников и  
междоусо́бныя брани, и от напрасны́я сме́рти.  
Да оградит нас ополче́нием святы́х Свои́х  
а́нгелов, во е́же изба́виться нам по исхо́де  
на́шем из жити́я сего́ от ко́зней лука́ваго и  
та́йных воздушных мыта́рств его́, и  
неосужде́нным предста́ти Престо́лу Го́спода  
Сла́вы, иде́же лица́ святы́х А́нгел со все́ми  
святы́ми вы́ну сла́вят пресвято́е и великоле́пое  
и́мя Отца́ и Сы́на и Свята́го Ду́ха, ны́не и  
при́сно и во ве́ки веко́в. Ами́нь.

**[Текст акафиста утвержден на заседании Священного Синода 23-24 сентября 2021 года (журнал № 67).]**

